

Na osnovu Odluke o usvajanju prečišćenog teksta Statuta Društva za osiguranja ASA OSIGURANJA d.d. Sarajevo, OPU-IP-363/16 od 24.06.2016. godine, te člana 7. i člana 28. Odluke o dokumentima koji se prilažu uz zahtjev za izdavanje odobrenja za rad (Službene novine br. 31/09 i 78/13) Uprava Društva ASA OSIGURANJE d.d. Sarajevo d o n o si:

PRIJEDLOG USLOVA ZA OSIGURANJE ZAŠTITE BONUSA PO POLICI OSIGURANJA OD AUTOODGOVORNOSTI

1. UVODNE ODREDBE

- Pojedini izrazi u ovim Uslovima imaju ova značenja:
 - Osiguravač** - ASA OSIGURANJE d.d. Sarajevo sa kojim je zaključen ugovor o osiguranju;
 - Ugovarač osiguranja** - lice koje je sa Osiguravačem zaključilo ugovor o osiguranju.;
 - Osiguranik** - lice čija je stvar, odnosno imovinski interes osiguran i kome pripadaju prava iz osiguranja;
 - Osigurani slučaj** - budući neizvjestan i neovisan od isključive volje Ugovarača osiguranja ili Osiguranika, štetni događaj koji ima za posljedicu nastanak štete pokrivena ugovorom o osiguranju;
 - Suma osiguranja** - iznos na koji je stvar, odnosno imovinski interes osiguran;
 - Premija** - iznos koji se plaća za osiguranje po ugovoru o osiguranju;
 - Polisa** - isprava o ugovoru o osiguranju;
 - Osnovni ugovor**- polica obaveznog osiguranja od automobilske odgovornosti sklopljena kod Osiguravača;
 - Uslovi AO** -važeći uslovi osiguranja od automobilske odgovornosti;
 - BMS**- bonus i malus koji primjenjuje osiguravač na police obaveznog osiguranja od automobilske odgovornosti temeljem važećih Uslova osiguranja od automobilske odgovornosti u FBiH i RS i Premijskog sistema X-AO;
 - Lista štetnika**- jedinstvena baza svih isplaćenih šteta sa osnovnim podacima o štetnicima i vozilima kojima su pričinili štetni događaj u FBiH i RS.

2. OPĆE ODREDBE

Ovo osiguranje moguće je ugovoriti isključivo:

- Uz policu obaveznog osiguranja od automobilske odgovornosti, koja je sklopljena sa ASA OSIGURANJEM d.d. Sarajevo;
- Za vlasnike putničkih vozila, teretnih vozila, vučnih vozila i autobusa;
- Osiguranje je moguće ugovoriti neovisno o trenutnom premijskom stepenu na polici obaveznog osiguranja od automobilske odgovornosti.

Predmet osiguranja Član 1.

- Predmet osiguranja po ovim uslovima je finansijski gubitak Osiguranika nastao kao posljedica pomicanja iz premijskog stepena po osnovnom ugovoru za 3 (tri) stepena više u BMS-u, zbog prijavljene jedne štete po osnovnom ugovoru, a koja je nastala u trajanju police zaštite bonusa;
- Osiguranje zaštite bonusa vrijedi samo za jednu prijavljenu štetu po osnovnom ugovoru za koji je ugovoreno pokrće zaštite bonusa, bez obzira na iznos i vrstu isplaćene štete;
- Osiguranje zaštite bonusa vrijedi isključivo u slučaju ako je nastankom osiguranog slučaja došlo do negativnog pomaka Osiguranika u BMS-u i to kumulativno u premijskom stepenu i višoj cijeni premije;
- U slučaju nastanka osiguranog slučaja Osiguraniku će se na osnovnom ugovoru evidentirati odgovarajući premijski stepen koji mu pripada po važećim uslovima AO;

Član 2.

- Prijavljena šteta u smislu člana 1. stava 1. ovih uslova je šteta za koju je osiguravač isplatio odštetu ili je na drugi način utvrđena obaveza osiguravača;
- Sve štete po osnovnom ugovoru iz jednog štetnog događaja predstavljaju jednu prijavljenu štetu;

3. Svaka isplaćena šteta po osnovnom ugovoru prijavljuje se u bazu liste štetnika.

Suma osiguranja Član 3.

1. Suma osiguranja predstavlja najviši iznos obaveze osiguravača po jednom štetnom događaju za cjelokupnu štetu Osiguranika;
2. Maksimalna suma osiguranja po ovim uslovima može iznositi 5.000 KM;

Početak i prestanak osiguravajućeg pokrća Član 4.

1. Osiguravajuća zaštita, počinje po isteku 24-tog sata dana koji je u polici naveden kao početak osiguranja, ako je do tog dana plaćena premija, a prestaje po isteku 24-tog sata dana koji je u polici naveden kao dan isteka trajanja osiguranja, ako nije drugačije ugovoreno, odnosno veže se uz trajanje osnovnog ugovora;
2. Obostrane obaveze i prava iz ugovora o osiguranju produžuju se za period naveden u uslovima AO (početni rok).

Trajanje osiguranja Član 5.

1. Osiguranje zaštite bonusa ugovora se u trajanju od 1 (jedne) godine i vrijedi isključivo ukoliko je za to vrijeme sklopljen osnovni ugovor kod osiguravača;
2. Osiguranje zaštite bonusa moguće je ugovoriti i kao kratkoročno osiguranje samo za slučajeve promjene vlasnika/korisnika motornog vozila u saobraćajnoj dozvoli, gdje novi vlasnik/korisnik sa osiguravačem sklapa kratkoročni osnovni ugovor-usklađivanje sa registracijom vozila; Obračun premije osiguranja se vrši srazmjerno vremenskom trajanju po pro rati temporis.

Promjena vlasništva Član 6.

1. Ukoliko se stečeni premijski stepen po osnovnom ugovoru prenosi na drugu fizičku osobu kako je to predviđeno uslovima AO, može se prenijeti i ovo osiguranje zaštite bonusa, uz pismenu saglasnost osiguravača;
2. Za sve druge slučajeve promjene vlasništva, osiguranje zaštite bonusa se ne može prenijeti;
3. Prodajom vozila prava i obaveze iz ovog ugovora prestaju danom promjene vlasništva;

Plaćanje premije Član 7.

Premija osiguranja plaća se u cijelosti prilikom sklapanja osiguranja zaštite bonusa.

Vraćanje premije Član 8.

1. U slučaju prodaje, uništenja ili odjave vozila Osiguranik ima pravo na povrat plaćene premije za neiskorišteno vrijeme trajanja osiguranja, ako se do tada nije ostvario osiguranik slučaj, odnosno osiguravač do tog vremena nije isplatio naknadu iz osiguranja;
2. Premija za povrat iznosi 80% bruto premije obračunate po principu „pro-rata temporis“ (obračun premije prema broju dana osiguranja).

Obaveza Osiguranika Član 9.

1. Ako Osiguranik želi iskoristiti prava iz osiguranja temeljem ovih uslova, obavezan je obnoviti/sklopiti osnovni ugovor kod osiguravača. U protivnom vrijedi odredba o povećanju premijskog stepena;
2. Na zahtjev osiguravača Osiguranik je dužan dostaviti svu raspoloživu dokumentaciju i podatke koji su osiguravač potrebni za utvrđivanje nastale obaveze;
3. Osiguranik daje izričito odobrenje i saglasan je sa činjenicom kako osiguravač u slučaju nastanka osiguranog slučaja ima ovlasti bez prethodnog pitanja i saglasnosti utvrditi je li šteta pokrivena ovim osiguranjem;

Obaveza Osiguranika kod dvije ili više isplaćenih šteta po osnovnom ugovoru Član 10.

1. Ako Osiguranik ima dvije ili više isplaćenih šteta po osnovnom ugovoru, u tom slučaju ima pravo na naknadu u smislu ovih uslova, uz obavezno kumulativno ispunjenje sljedećih uslova:
 - a) Osiguravač je temeljem osnovnog ugovora isplatio iznos druge i svake naredne štete;
 - b) Osiguranik je dobrovoljno u cjelosti uplatio, odnosno vratio osiguravaču isplaćene iznose iz stav (1) ovog članka-otkup štete;
 - c) Povrat iznosa iz stava (2) ovog članka je izvršen prije sklapanja osnovnog ugovora kod osiguravača za naredno osiguravajuće razdoblje;

U slučaju kumulativnog neispunjenja uslova navedenih u stavu (a), (b) i (c) ovog članka, osiguranje zaštite bonusa u smislu ovih uslova ne vrijedi.

Obaveza Osiguravača Član 11.

1. Po nastanku osiguranog slučaja obaveza osiguravača je;
 - 1) Utvrditi je li šteta pokrivena ovim osiguranjem, odnosno plativa po ovim uslovima;
 - 2) Kod produženja osnovnog ugovora Osiguranika kod osiguravača, a na osnovu izvršene provjere u listi štetnika, Osiguraniku nadoknaditi financijsku razliku u premiji po osnovnom ugovoru koju je platio zbog pomicanja u viši stepen po BMS-u, zbog isplaćene jedne štete po osnovnom ugovoru za koje je sklopljeno osiguranje zaštite bonusa;
 - 3) Obaveza osiguravača da nadoknadi štetu Osiguraniku zbog nastalog financijskog gubitka ograničena je na tri uzastopne obnove osnovnog ugovora nakon prijavljene štete;

Isključenje obaveze Osiguravača Član 12.

Osiguranje nije na snazi, isključena je obaveza osiguravača ukoliko:

1. Ugovaratelj/Osiguranik po isteku osnovnog ugovora isti obnovi/sklopi za naredno osiguravajuće razdoblje kod nekog drugog društva za osiguranje;
2. Osiguranik ima dvije ili više isplaćenih šteta po osnovnom ugovoru za koji je ugovoreno osiguranje zaštite bonusa, a koje nije refundirao osiguravaču na način opisan u članu 10. ovih uslova;
3. Osiguranik izgubi pravo na stečeni premijski stepen zbog prekida u osiguravajućem pokriću dužem od 3 (tri) godine;
4. Osiguranik ima druge financijske gubitke usljed prijavljene štete po osnovnom ugovoru (primjerice troškove pravne zaštite, sudskog spora, arbitraže, mirnog postupka, kamata, trošak regresa za isplaćenu štetu i itd) u slučajevima kada se gubi pravo iz osiguranja po osnovnom ugovoru;
5. Nastala razlika u premiji po osnovnom ugovoru bude posljedica promjena namjene ili registarske oznake vozila (npr. taxi vozilo ili neke tehničke karakteristike vozila).

Utvrđivanje naknade iz osiguranja Član 13.

1. Po nastanku osiguranog slučaja koji je pokriven ovim osiguranjem visina naknade iz osiguranja utvrđuje se:
 - Prilikom 1. (prve) obnove osnovnog ugovora kod osiguravača- u postotku od osnovne premije osiguranja koji odgovara pomaku za tri premijska stepena u BMS-u u odnosu na štice premijski stepen;
 - Prilikom 2. (druge) obnove osnovnog ugovora kod osiguravača- u postotku od osnovne premije osiguranja koji odgovara pomaku za dva premijska stepena u BMS-u u odnosu na zaštićeni premijski stepen;
 - Prilikom 3. (treće) obnove osnovnog ugovora kod osiguravača- u postotku od osnovne premije osiguranja koji odgovara pomaku za jedan premijski stepen u BMS-u u odnosu na štice premijski stepen;

Član 14. Isplata naknade iz osiguranja

Kad se dogodi osigurani slučaj, Osiguravač je dužan isplatiti naknadu u ugovorenom roku koji ne može biti duži od 14 dana, računajući od dana podnošenja zahtjeva, odnosno zaprimanja dokumentacije.

Član 15. Obavezna (minimalna) dokumentacija u slučaju nastanka osiguranog slučaja

1. U slučaju nastanka osiguranog slučaja Osiguranik je, prilikom prijave štete u obavezi dostaviti sljedeću dokumentaciju:
 - a) Produženu policu osiguranja autoodgovornosti zaključenu u ASA OSIGURANJU;
 - b) Policu zaštite bonusa zaključenu u ASA OSIGURANJU;
 - c) Kopiju lične karte i transakcijskog računa Osiguranika;

Nadležnost suda u slučaju spora Član 16.

1. Ugovorne strane će eventualne sporove iz ovog ugovora riješiti sporazumno;
2. U slučaju spora Ugovarača osiguranja odnosno Osiguranika i osiguravača nadležan je Općinski sud u Sarajevu.

Prijelazne i završne odredbe Član 17.

1. Ovi uslovi su sastavni dio ugovora o osiguranju zaštite bonusa po polici osiguranja od automobilske odgovornosti.
2. Ugovor o osiguranju zaštite bonusa je valjan samo ako je zaključen u pisanom obliku.

Član 18.

Na odnose koji nisu uređeni ovim uslovima primjenjuju se odredbe Zakona o obaveznim odnosima, Zakona o društvima za osiguranje u privatnom osiguranju, Zakona o osiguranju od odgovornosti za motorna vozila i ostale odredbe o obaveznom osiguranju od odgovornost, Premijskog sistema X-AO u FBiH I RS.

Navedeni prijedlog Uslovi za osiguranje zaštite bonusa po polici osiguranja od autoodgovornosti UO-16.99-1 2017-1 stupaju na snagu sa danom donošenja, počev od .../.../.....godine.